



Nr. 256 Prot.

Tiranë, më 15 korrik 2021

**Kriteret dhe procedurat e pranimit për shtetas shqiptarë
në programet e studimit të Fakultetit të Mjekësisë,
Raundi i parë, viti akademik 2021-2022**

Fakulteti i Mjekësisë i Universitetit Katolik “Zoja e Këshillit të Mirë” ofron programet e studimit të ciklit të parë në Fizioterapi dhe Infermieristikë dhe programet e integruara të ciklit të dytë në Mjekësi dhe Odontoiatri dhe Proteza Dentare. Programet e studimit të Fakultetit të Mjekësisë zhvillohen në gjuhën italiane.

I. Kuotat dhe kriteret e pranimit

Kuotat në dispozicion të kandidatëve shtetas shqiptarë për raundin e parë janë:

Programi i integruar i studimit “Master i Shkencave” në <i>Mjekësi</i>	70
Programi i integruar i studimit “Master i Shkencave” në <i>Odontoiatri dhe Proteza Dentare</i>	30
Programi i studimit në <i>Fizioterapi</i>	55
Programi i studimit në <i>Infermieristikë</i>	40

Kandidatët duhet të kenë përfunduar arsimin e mesëm dhe të plotësojnë kriteret e mëposhtme:

- janë pajisur me Diplomë të Shkollës së Mesme;
- plotësojnë kriterin e notës mesatare të përcaktuar me Vendim të Këshillit të Ministrave (VKM) nr. 436, datë 03.06.2020 e ndryshuar me VKM n.46 datë 27.1.2021 të Republikës së Shqipërisë për vitin akademik 2021-2022, sipas të cilit nota mesatare **duhet të jetë e barabartë ose më e madhe se 6.5** (referuar sistemit arsimor shqiptar);
- nuk mund të ndjekin njëkohësisht më shumë se një program studimi në të njëjtin vit akademik, në universite publike dhe/ose jopublike, shqiptare dhe/ose të huaja.

Përzgjedhja e kandidatëve në programet e studimit të Fakultetit të Mjekësisë bëhet nëpërmjet testimeve të pranimit, të cilat përfshijnë:

1. Testim me shkrim në Italisht, mbi njohuritë në Shkencat Natyrore (bazuar në lëndët si Biologji, Kimi, Matematikë, Fizikë)	30 pikë
2. Testim me shkrim mbi njohuritë në Gjuhën Italiane	20 pikë
3. Nota mesatare e përgjithshme e shkollës së mesme	30 pikë
Totale	80 pikë



Testimet e pranimit do të zhvillohen në Universitetin Katolik "Zoja e Këshillit të Mirë" Rr. "Dritan Hoxha", Tiranë, Shqipëri, në datat e mëposhtme:

Programi i studimit	Data	Ora
Program i integruar i studimit "Master i Shkencave" në <i>Mjekësi</i>	26/08/2021	12:00
Program i integruar i studimit "Master i Shkencave" në <i>Odontoiatri dhe Proteza Dentare</i>	26/08/2021	15:00
Program i studimit në <i>Fizioterapi</i>	27/08/2021	12:00
Program i studimit në <i>Infermieristikë</i>	27/08/2021	12:00

Edhe kandidatët që dëshirojnë të ndjekin studimet **në selinë e Elbasanit** e zhvillojnë testimin e pranimit në datën **27/08/2021 ora 12:00**, pranë selisë qendrore të Universitetit Katolik "Zoja e Këshillit të Mirë" Rr. "Dritan Hoxha", Tiranë, Shqipëri.

II. Pjesëmarrja në testimin e pranimit

Për të aplikuar në raundin e parë, kandidatët duhet të përzgjedhin në portalin online U-Albania: <https://ualbania.arsimi.gov.al/> programet e studimit të Fakultetit të Mjekësisë të Universitetit Katolik "Zoja e Këshillit të Mirë", **në datat 29 korrik deri në 3 gusht 2021**.

Për të marrë pjesë në teste, kandidatët duhet të paraqiten pranë Zyrës së Pranimeve¹ të Universitetit, të pajisur me një dokument identifikimi, për të paguar tarifën e regjistrimit në testim prej 2.000 lekë. Tarifa e regjistrimit në testim paguhet në datat e mëposhtme:

- **prej datës 7 Gusht deri në datën 25 Gusht 2021, ora 16:30** për programin e integruar të studimit "Master i Shkencave" në Mjekësi;
- **prej datës 7 Gusht deri dy orë përpara fillimit të testimit përkatës** për programin e integruar të studimit "Master i Shkencave" në Odontoiatri dhe Proteza Dentare dhe për programet e studimit në Infermieristikë dhe Fizioterapi.

Pjesëmarrësit duhet të paraqiten pranë Sekretarisë Mësimore të paktën 30 minuta përpara fillimit të testimit përkatës dhe duhet të jenë të pajisur me një dokument identifikimi (kartë identiteti ose pasaportë). Gjatë zhvillimit të testimit është i ndaluar përdorimi apo mbajtja e mjeteve elektronike të komunikimit (telefonë celularë, I-Phone, I-Pad, etj.). Në rast konstatimi, pjesëmarrësit do të përjashtohen menjëherë nga testimi.

Listat e renditjes së kandidatëve do të kryhen në bazë të rezultateve përfundimtare individuale, sipas renditjes së pikëve të fituara dhe do të publikohen në ambientet e Universitetit dhe në faqen zyrtare: www.unizkm.al **në datën 29 Gusht 2021**.

¹ Zyra e Pranimeve është e disponueshme nga e hëna në të premte, nga ora 08:00-16:30 dhe ditën e shtunë, nga ora 08:00-13:00



III. Regjistrimi/matrikullimi

Në datat 2 deri 15 shtator 2021, të gjithë kandidatët që janë shpallur fitues në testimet e pranimit të raundit të parë duhet të regjistrohen pranë Sekretarisë Mësimore. Sipas Udhëzimit nr. 10, dt. 15.05.2019 të Ministrisë së Arsimit, Rinisë dhe Sportit (MASR) kjo periudhë është e ndarë në 7 faza. Çdo fazë zgjat 48-orë. *Kandidatit të shpallur fitues, i dërgohet një e-mail nga Sekretaria Mësimore ku i komunikohen dokumentet e nevojshme për regjistrim dhe afati 48 orësh i kandidatit.* Kur kandidati është shpallur fitues, ai duhet të paraqitet pranë Sekretarisë Mësimore brenda afatit 48-orësh. Nëse kandidati nuk regjistrohet brenda afatit 48-orësh, ai humbet të drejtën e regjistrimit dhe Sekretaria Mësimore thërret automatikisht kandidatin tjetër. Këto faza vijojnë deri në plotësimin e kuotave dhe përfundojnë në datën 15 shtator 2021. Nëse pas përfundimit të listës së renditjes, do të mbeten ende kuota të paplotësuara dhe nuk do të ketë kandidatë në pritje, do të rikthehen në garë kandidatet e shpallur fitues të cilët nuk janë paraqitur për regjistrim në fazat paraardhëse dhe nuk rezultojnë të regjistruar në programe të tjera studimi.

Për t'u regjistruar, kandidatët e shpallur fitues duhet të dorëzojnë pranë Sekretarisë Mësimore personalisht ose nëpërmjet përfaqësuesit të autorizuar me prokurë nga ana e tyre, dokumentacionin e mëposhtëm:

- Mandatpagesë nga Banka për shlyerjen e kështit të parë ose të kështit të plotë të tarifës vjetore² të studimit (Urdhërpagesa për t'u paraqitur në bankë shkarkohet nga portali studenti: portal.unizkm.al, zëri "Tariffe");
- Diplomë e Maturës Shtetërore në origjinal bashkë me fotokopjen e noterizuar të saj;
- Certifikatë e Maturës Shtetërore në origjinal bashkë me fotokopjen e noterizuar të saj;
- Raport mjeko-ligjor që vërteton aftësinë për të ndjekur studimet;
- Vërtetim banimi;
- Certifikatë familjare;
- Fotokopje e një dokumenti identifikimi të vlefshëm (kartë identiteti ose pasaportë);
- Certifikatë e mbrojtjes së gjuhës së huaj bazuar në Ligjin nr. 80/2015 "Për Arsimin e Lartë dhe Kërkimin Shkencor" dhe në Udhëzimin e MASR nr. 20, datë 22.9.2017 (nëse e disponon dhe për programet e studimit në Mjekësi dhe Odontoiatri dhe Proteza Dentare);
- Dy fotografi, format dokumenti.

Gjithashtu pranë Sekretarisë Mësimore do të plotësohen:

- Kërkesa e regjistrimit (kërkesa mund të shkarkohet edhe nga portali studenti: portal.unizkm.al);
- Deklarata e paraqitur në Shtojcat e Udhëzimeve pëkatëse;
- Kontrata e regjistrimit;

² Në rastet kur kandidati plotëson kushtet e parashikuara në Rregulloren e Tarifave për përfitimin e bursës vjetore, detyrimi i tij do të jetë në përputhje me tarifën e mbetur



UNIVERSITETI KATOLIK ZOJA E KËSHILLIT TË MIRË

IV. Procesi i çregjistrimit

Kandidati ka të drejtë të çregjistrohet vetëm **në datat 16 - 17 shtator 2021**. Ai paraqet një kërkesë për çregjistrim pranë Sekretarisë Mësimore duke tërhequr dokumentet e dorëzuara. Nëse ky veprim nuk kryhet në këto data, ai nuk ka të drejtë ta ndryshojë programin e studimit për këtë vit akademik. Çregjistrimi kryhet në portalin U-Albania dhe pranë Sekretarisë Mësimore.

Çdo ndryshim i mundshëm i kushteve dhe modaliteteve të parashikuara në këtë njoftim mbi konkursin, për shkak të Forcës Madhore lidhur me situatën aktuale socio-sanitare, do të publikohet në kohë.

Rektori

Prof. Bruno Giardina

